

Հ Ա Շ Վ Ե Տ Վ ՈՒ Թ Յ ՈՒ Ն

Մարզպետարանի աշխատակազմի քաղաքաշինության վարչության 2015

թվականի առաջին եռամսյակում կատարված աշխատանքների մասին

2016-2018 թթ. միջնաժամկետ ծախսային ծրագրագրերի հետ կապված քննարկումներ ենք անցկացրել և կատարել համապատասխան ճշտումներ ՀՀ քաղաքաշինության և ՀՀ էներգետիկայի ու բնական պաշարների նախարարությունների հետ:

2015-2018 թթ. քաղաքաշինության բնագավառում քառամյա զարգացման ծրագրի հաստատման հետ կապված աշխատանքներ ենք տարել մարզպետարանի աշխատակազմի զարգացման ծրագրերի և վերլուծությունների բաժնի ինչպես նաև ՀՀ տարածքային կառավարման և արտակարգ իրավիճակների նախարարության համապատասխան վարչությունների հետ:

Աշխատանքներ ենք տարել ՀՀ պետական բյուջեով իրականացվող վարկային և դրամաշնորհային ծրագրերով իրականացվող օբյեկտների ընտրության, փաստաթղթերի հավաքագրման, համայնք-կազմակերպություն համագործակցության գործում:

Ներկայացրել ենք 260.0 մլն.դրամի շրջանակներում նախագծա-նախահաշվային փաստաթղթեր ունեցող օբյեկտների ցանկ, որպես համայնքների առաջնահերթ լուծում պահանջող հիմնախնդիր 2015թ-ին ՀՀ պետական բյուջեի պահուստային ֆոնդի միջոցներով իրականացնելու համար:

Ներկայացրել ենք 500,0 մլն. դրամի շրջանակներում մարզի համայնքների առաջնահերթ լուծում պահանջվող օբյեկտների ցանկ 2016 թվականի ՀՀ պետական բյուջեով իրականացնելու համար:

ՀՀ կառավարության 2014 թվականի օգոստոսի 7-ի N 834 - Ն որոշմամբ Զառիթափ համայնքի ոռոգման ջրագծի կառուցման համար նախատեսված 27640,00 հազ. դրամից 2014 թ-ին կատարվել է 11200.0 հազ. դրամի շին.մոնտաժային աշխատանքներ: Մնացորդային գումարը կազմում է 16440.0 հազ. դրամ: Համաձայն ՀՀ կառավարության 05.03.2015թ-ի N 198-Ա որոշման կատարվել է պայմանագրային ժամկետի երկարացում, աշխատանքների կատարման վերջնաժամկետ է սահմանվել 2015թ-ի մայիսի 20-ը : 2015թ-ի առաջին եռամսյակում կատարվել է մոտավորապես 12500.0 հազ. դրամի շին.մոնտաժային աշխատանքներ: Զրագծի կառուցման աշխատանքներն ընթացքի մեջ են:

Գյուղական համայնքների տնտեսական զարգացման ԾԻԳ պետական հիմնարկության միջոցներով մարզի Մալիշկա,Գետափ,Արփի Զառիթափ և Փոռ համայնքներում իրականացվում է գազիֆիկացման աշխատանքներ 565,0 մլն. դրամի:

Խնձորուտ գյուղի դպրոցի ճաշարանի հիմնանորոգման և << Կայուն սնունդ>> ծրագրի իրականացման համար պատվիրվել է նախագծա-նախահաշվային

փաստաթղթեր և համապատասխան գրությամբ ներկայացրել ենք ՀՀ քաղաքաշինության նախարարություն ՀՀ կառավարության որոշման նախագիծ նախապատրաստելու համար:

Ճարտարապետության բնագավառ

● Քաղաքաշինության վարչության կողմից իրականացվել են ուսումնասիրություններ և պարզաբանումներ քաղաքաշինության բնագավառի վիճաբանական հարցերի վերաբերյալ, տրվել եզրակացություններ Եղեգնաձոր քաղաքում, Բարձրունի և Շատին գյուղերում:

● Ուսումնասիրվել է «Արփա» գազ կազմակերպության քաղաքաշինական փաստաթղթերը:

● Մշակվել է Գոմք համայնքի դպրոցի շենքի մի հատվածի հատակագիծը, որպես սննդի սպասարկման կետ:

● 2015թվականի առաջին եռամսյակում մարզպետարան է ներկայացվել 11 շին. թույլտվություն և 1 քանդման թույլտվություն: համայնքի ղեկավարները պարբերաբար գրությամբ շինթույլտվության ձևաթղթի փոփոխության մասին տեղեկացվում են:

● Հիմք ընդունելով ՀՀ վարչապետ Հովիկ Աբրահամյանի մոտ 2015 թվականի մարտի 6-ին կայացած՝ հաշմանդամություն ունեցող անձանց հարցերով զբաղվող ազգային հանձնաժողովի նիստի արդյունքները՝

Առաջարկվել է երեք քաղաքային համայնքների ղեկավարներին հետամուտ լինել հաշմանդամություն ունեցող անձանց կարիքները հաշվի առնող քաղաքաշինական նորմերի ներդրման և պահպանման հարցերում, մասնավորապես.

ա) սահմանել հսկողություն հանրային նշանակության բոլոր հաստատություններում (կրթական, մշակութային, առողջապահական, զբոսայգիների, ժամանցի և առևտրի կենտրոնների և այլն) հաշմանդամություն ունեցող անձանց համար սանհանգույցների հարմարեցման հարցում:

բ) Ճարտարապետահատակագծային առաջադրանքներ հատկացնելու ժամանակ հաշվի առնել հաշմանդամություն ունեցող անձանց կարիքները և տալ առաջադրանք նախագծման ժամանակ քաղաքաշինական նորմերը պահպանելու համար:

գ) Քաղաքաշինական պետական տեսչության տարածքային բաժնի հետ համատեղ աշխատանքներ իրականացնել քաղաքաշինական նորմատիվների պահպանման ուղղությամբ:

Ջրամատակարարման, ջրհեռացման և կոմունալ տնտեսության բնագավառ

2015թ-ի առաջին եռամսյակի ընթացքում շարունակվել է ՀՀ կառավարությանն առընթեր «Գյուղական տարածքների տնտեսական զարգացման ծրագրերի իրականացման գրասենյակ» ՊՀ-ի հետ համագործակցությունը: Աշխատանքների

շարունակությունը ապահովելու համար դիմել ենք համայնքի ղեկավարներին համաֆինանսավորման համար կայացնել համապատասխան որոշումներ, որը կներկայացվի ՀՀԿԱ «Գյուղական տարածքների տնտեսական զարգացման ԾԻԳ» ՊՀ տնօրինությանը: Մարզի մի շարք համայնքներում (Գոմք, Հեր-Հեր, Սերս, Բարձրունի, Արենի, Ռինդ, Վերնաշեն, Գլաձոր, Ագարակաձոր, Ելփին, Արին, Ազատեկ) ՀՀԿԱ «Գյուղական տարածքների տնտեսական զարգացման ԾԻԳ» ՊՀ-ի ծրագրերով նախատեսվում է իրականացնել խմելու ջրի և ոռոգման համակարգերին հիմնանորոգման աշխատանքներ: Տարվել և տարվում են աշխատանքներ համայնքի ղեկավարների հետ համատեղ լուծելու համաֆինանսավորման 10% -ի խնդիրը:

Ուսումնասիրվել և քննարկվել է ՀՀ առողջապահության նախարարության կողմից 2014թ-ի երկրորդ կիսամյակում բնակչությանը տրվող խմելու ջրի որակի մոնիթորինգի արդյունքները: Առաջարկվել է համայնքի ղեկավարներին անկանխատեսելի հետևանքներից խուսափելու համար պայմանագրեր կնքել ՀՀ առողջապահության նախարարության հիվանդությունների վերահսկման և կանխարգելման ազգային կենտրոն ՊՈԱԿ Վայոց ձորի մասնաճյուղի հետ:

2015 թվականի առաջին եռամսյակի ընթացքում ստացվել է 175 դիմում բողոքներ և գրություններ, որոնք ուսումնասիրվել և պատասխանվել է ժամանակին:

ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԱՇԽԱՏԱԿԱԶՄԻ

ՔԱՂԱՔԱՇԻՆՈՒԹՅԱՆ ՎԱՐՉՈՒԹՅԱՆ ՊԵՏ՝

Ա.ՀՈՎԱՍԵՓՅԱՆ